



**საქართველოს გარემოსა და ბუნებრივი რესურსების დაცვის სამინისტროს
სახელმწიფო საქვეუწყებო დაწესებულება გარემოსდაცვითი ზედამხედველობის
დეპარტამენტი**

ფიზიკური მახასიათებლების კონტროლის ხელსაწყოები, დეტექტორები და
ანალიზატორები, ხმაურის საზომი მოწყობილობების (CPV –38400000; 3843000;38434300)
გამარტივებული ელექტრონული ტენდერის საშუალებით შესყიდვის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“
საქართველოს კანონის 12¹ მუხლის და „გამარტივებული ელექტრონული ტენდერისა და
ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების
სააგენტოს თავმჯდომარის 2011 წლის 07 აპრილის №9 ბრძანების საფუძველზე.

ქ. თბილისი

2016 წელი

სარჩევი

1. ინსტრუქცია ტენდერში მონაწილეთათვის
2. ტექნიკური დოკუმენტაცია
3. სახელმწიფო შესყიდვების შესახებ ხელშეკრულების პროექტი
4. დამატებითი ინფორმაცია
5. დანართი № 1 რეკვიზიტები
6. დანართი № 2 ტექნიკური დავალება
7. დანართი № 3 ფასების ცხრილი

1. ინსტრუქცია ტენდერში მონაწილეთათვის

იხ. „სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელო“ და სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანება „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს ოფიციალურ ვებგვერდზე www.procurement.gov.ge

2. ტექნიკური დოკუმენტაცია

2.1 ტექნიკური მოთხოვნები:

2.1.1 როგორც იურიდიული ასევე ფიზიკური პირისათვის პრეტენდენტმა სახელმწიფო შესყიდვების ერთიანი ელექტრონულ სისტემაში სატენდერო წინადადების ფასის ატვირთვისთან ერთად უნდა ატვირთოს და წარმოადგინოს შემდეგი ტექნიკური დოკუმენტაცია:

ა) რეკვიზიტები დანართი №1-ის მიხედვით;

ბ) სრული ინფორმაცია მისაწოდებელი საქონლის შესახებ დანართი №2-ის მიხედვით.

გ) სატენდერო წინადადების ფასი დანართი №3-ის მიხედვით;

დ) ინფორმაცია საგარანტიო პირობებისა და ვადების შესახებ: შემოთავაზებულ საქონელზე უნდა ვრცელდებოდეს გარანტია ქარხნული დეფექტის ან წუნდების გამოვლენის შემთხვევაში მიღება-ჩაბარების აქტის გაფორმების დღიდან არანაკლებ 1 (ერთი) წელი, აღნიშნული პერიოდის განმავლობაში მიმწოდებელი ვალდებულია საკუთარი ხარჯებით დაზიანების აღმოჩენიდან „10 (ათი)“ სამუშაო დღის ვადაში (განსაკუთრებულ შემთხვევაში გონივრულ ვადაში) უზრუნველყოს დაზიანების აღმოფხვრა ან/და დაზიანებული ტექნიკის ჩანაცვლება იგივე ან ანალოგიური ან გაუმჯობესებული პარამეტრების მქონე ახალი საქონლით;

ე) ტექნიკური პასპორტი ან სერთიფიკატი ან ხარისხის დამადასტურებელი დოკუმენტი, რომლითაც დადასტურებული იქნება დანართი №2-ში მითითებული პარამეტრები. უცხოენოვანი დოკუმენტის შემთხვევაში პრეტენდენტი ვალდებულია წარმოადგინოს ქართულ ენაზე ნათარგმნი და შესაბამისი ნოტარიული წესით დამოწმებული თარგმანი;

ვ) ინფორმაცია მწარმოებლის შესახებ, კერძოდ მწარმოებელს უნდა გააჩნდეს მსგავსი ტიპის ხელსაწყოების წარმოების არანაკლებ 10 წლიანი გამოცდილება. აღნიშნული შესაძლებელია დადასტურებულ იქნეს მწარმოებლის მიერ გაცემული ოფიციალური დოკუმენტით ან/და მწარმოებლის ოფიციალურ ინტერნეტ გვერდზე განთავსებული ინფორმაციით. უცხოენოვანი დოკუმენტის შემთხვევაში პრეტენდენტი ვალდებულია წარმოადგინოს ქართულ ენაზე ნათარგმნი და შესაბამისი ნოტარიული წესით დამოწმებული თარგმანი;

2.3 ანგარიშსწორების პირობები:

2.3.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადისა და ხარჯის ჩათვლით.

2.3.2 ანგარიშსწორება მოხდება უნაღდო ანგარიშსწორებით ლარებში.

2.3.3 ანგარიშსწორება მოხდება საქონლის მიწოდებისა და მიღება-ჩაბარების აქტის გაფორმების შემდეგ, მიღება-ჩაბარების აქტისა და შესაბამისი ფინანსური დოკუმენტაციის (დღგ-ს გადამხდელის შემთხვევაში) წარმოდგენიდან არაუგვიანეს 10 (ათი) კალენდარული დღის განმავლობაში.

2.3.4 წინასწარი ანგარიშსწორება (ავანსი) არ გამოიყენება.

2.3.5 პრედენდენტს არა აქვს უფლება წარმოადგინოს ალტერნატიული წინადადება.

2.4 შესყიდვის ობიექტის ტექნიკური პარამეტრები:

2.4.1 შესყიდვის ობიექტის ტექნიკური დავალება და ფასების ცხრილი მოცემულია დანართი №2-ის და დანართი №3-ის სახით.

2.5 მიწოდების პირობები და ვადები:

2.5.1 საქონლის მიწოდება უნდა განხორციელდეს ხელშეკრულების გაფორმებიდან 45 (ორმოცდახუთი) კალენდარული დღის განმავლობაში, მაგრამ არა უგვიანეს 2016 წლის 25 დეკემბრამდე;

2.6 დაფინანსების წყარო – 2016 წლის სახელმწიფო ბიუჯეტის სახსრები.

2.7 შესყიდვის სავარაუდო ღირებულება – 61200.00 (სამოცდაერთი ათას ორასი) ლარი დღგ-ს ჩათვლით.

2.8 სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

2.9 სხვადასხვა ვალუტაში გამოსახული სატენდერო წინადადებები არ განიხილება.

2.10 ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

2.11 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

2.12 სახელმწიფო შესყიდვების ერთიანი ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

2.13 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

2.14 პრედენდენტს არა აქვს უფლება წარმოადგინოს ალტერნატიული წინადადება.

2.15 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში განთავსებულ უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ი.

2.16 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის - „კითხვა/პასუხი“ მეშვეობით, ასევე შეუძლია სატენდერო კომისიის აპარატში, მისამართზე: ქ. თბილისი, გ. გულუას ქ. N6, გარემოსდაცვითი ზედამხედველობის დეპარტამენტის, ადმინისტრაციის, შესყიდვების განყოფილება მე-6 სართული. ტელეფონი: 272-72-75; 595 000 444; 591 101 191. საკონტაქტო პირი: მიხეილ ბედოიძე, რობერტი აბურჯანიძე,

შენიშვნა:

1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის და ხარჯის გათვალისწინებით.

2. პრეტენდენტის მიერ წამოდგენილი (ერთიან ელექტრონულ სისტემაში ატვირთული) ყველა დოკუმენტი ან/და ინფორმაცია ხელმოწერილი და ბეჭედდასმული უნდა იყოს ხელმძღვანელის ან მის მიერ განსაზღვრული უფლებამოსილი პირის მიერ.

3. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველის მოთხოვნიდან არაუგვიანეს 3 (სამი) სამუშაო დღის ვადაში, პრეტენდენტი ვალდებულია უზრუნველყოს ფასწარმოქმნის ადეკვატურობის დასაბუთება (დასაბუთება შესაძლებელია განხორციელდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშგაქტურით (ინვოისით), რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას). იმ შემთხვევაში, თუ პრეტენდენტის მიერ არ იქნა წარმოდგენილი ან წარმოდგენილი დასაბუთება შემსყიდველის მიერ არ ჩაითვლება დამაკმაყოფილებლად, მოხდება პრეტენდენტის დისკვალიფიკაცია;

ხელშეკრულება № სახელმწიფო შესყიდვის შესახებ

ქ. თბილისი

„____“ „____“ 2016 წელი

ერთი მხრივ, საქართველოს გარემოსა და ბუნებრივი რესურსების დაცვის სამინისტროს სახელმწიფო საქვეუწყებო დაწესებულება გარემოსდაცვითი ზედამხედველობის დეპარტამენტი (შემდგომში „შემსყიდველი“) წარმოდგენილი მისი უფროსის „____“ სახით და მეორეს მხრივ „____“ (შემდგომში „მიმწოდებელი“) წარმოდგენილი მისი „____“, სახელმწიფო შესყიდვების კანონის და მიმწოდებლის სატენდერო წინადადების საფუძველზე SPA _____ გამარტივებული ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6. „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – SPA _____ გამარტივებული ელექტრონული ტენდერის სატენდერო დოკუმენტაციის ტექნიკური დავალება, რომელიც არის ხელშეკრულების, განუყოფელი ნაწილი.

2. ხელშეკრულების საგანი

2.1 ხელშეკრულების საგანს წარმოადგენს საქართველოს გარემოსა და ბუნებრივი რესურსების დაცვის სამინისტროს სახელმწიფო საქვეუწყებო დაწესებულება გარემოსდაცვითი ზედამხედველობის დეპარტამენტის საჭიროებისთვის 2016 წლის სახელმწიფო ბიუჯეტის დაფინანსების ფარგლებში ფიზიკური მასხასიათებლების კონტროლის ხელსაწყოები, დეტექტორები და ანალიზატორები, ხმაურის საზომი მოწყობილობების (CPV –38400000; 3843000;38434300) შესყიდვა (შემდგომში „საქონელი“) დანართი №2-ის და დანართი №3-ის შესაბამისად.

3. ხელშეკრულების ღირებულება

- 3.1 ხელშეკრულების ჯამური ღირებულება შეადგენს _____ (თანხა სიტყვიერად) ლარს დღგ-ს ჩათვლით;
- 3.2 ერთი ერთეულის ფასია „____“ (თანხა სიტყვიერად) ლარს დღგ-ს ჩათვლით;
- 3.2. ხელშეკრულების ჯამური ღირებულება მოიცავს საქონლის მიწოდებასთან დაკავშირებულ ყველა ხარჯს, მათ შორის ტრანსპორტირების ხარჯებს და კანონმდებლობით გათვალისწინებულ ყველა სახის გადასახადს და მოსაკრებელს.

4. ანგარიშსწორების ფორმა და ვადები

- 4.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
- 4.2 მიწოდებული საქონლის ღირებულების ანაზღაურება განხორციელდება ხელმოწერილი მიღება-ჩაბარების აქტისა და შესაბამისი ფინანსური დოკუმენტაციის მიმწოდებლის მიერ წარდგენიდან 10 (ათი) კალენდარული დღის განმავლობაში.
- 4.3 მიღება-ჩაბარების აქტში ნაჩვენები უნდა იყოს მიწოდებული საქონლის ღირებულება და რაოდენობა.

5. მიღება-ჩაბარების წესი

- 5.1. საქონელი ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.
- 5.2. შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს საქართველოს გარემოსა და ბუნებრივი რესურსების დაცვის სამინისტროს სახელმწიფო საქვეუწყებო დაწესებულება გარემოსდაცვითი ზედამხედველობის დეპარტამენტის „____“.
- 5.3 მიღება-ჩაბარების აქტის გაფორმების საფუძველს წარმოადგენს წინამდებარე ხელშეკრულების მე-8 მუხლით განსაზღვრული ინსპექტირების ჯგუფის დასკვნა.

6. საქონლის მიწოდების ადგილი, ვადა და გარანტია

- 6.1. საქონლის მიწოდება განხორციელდება საქართველოს გარემოსა და ბუნებრივი რესურსების დაცვის სამინისტროს სახელმწიფო საქვეუწყებო დაწესებულება გარემოსდაცვითი ზედამხედველობის დეპარტამენტის ადმინისტრაციულ შენობაში, მისამართზე: ქ. თბილისი, გულუას ქ №6, მე-6 სართული;
- 6.2. საქონლის მიწოდება უნდა განხორციელდეს ხელშეკრულების გაფორმებიდან 45 (ორმოცდახუთი) კალენდარული დღის განმავლობაში, მაგრამ არა უგვიანეს 2016 წლის 25 დეკემრამდე.
- 6.3 საქონელზე ვრცელდება გარანტია შემდეგი პირობებით: მიღება-ჩაბარების აქტის გაფორმების დღიდან უნდა ვრცელდებოდეს გარანტია ქარხნული დეფექტის ან წუნდების გამოვლენის შემთხვევაში არანაკლებ 1 (ერთი) წლის ვადით, აღნიშნული პერიოდის განმავლობაში მიმწოდებელი ვალდებულია საკუთარი ხარჯებით დაზიანების

აღმოჩენიდან „10 (ათი)“ სამუშაო დღის ვადაში (განსაკუთრებულ შემთხვევაში გონივრულ ვადაში) უზრუნველყოს დაზიანების აღმოფხვრა ან/და დაზიანებული ტექნიკის ჩანაცვლება ანალოგიური პარამეტრების მქონე ახალი საქონლით;

7. მხარეთა უფლება-მოვალეობები

7.1. შემსყიდველი უფლებამოსილია:

ა) საქონლის მიწოდების დროს განახორციელოს საქონლის ხარისხისა და სხვა პირობების სატენდერო დოკუმენტაციასთან და წინამდებარე ხელშეკრულების პირობებთან შესაბამისობის ინსპექტირება;

ბ) მიმწოდებლის ქმედებით ამ ხელშეკრულების მე-9 მუხლის შედეგების დადგომისას მიწოდებული საქონლის ღირებულება გადაიხადოს მიმწოდებლის მიერ პირგასამტეხლოსა და ჯარიმის გადახდის დამადასტურებელი დოკუმენტებისა და მე-4 მუხლით გათვალისწინებული დოკუმენტაციის წარდგენიდან „____“ კალენდარული დღის ვადაში;

7.2. შემსყიდველი ვალდებულია უზრუნველყოს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.

7.3. მიმწოდებელი უფლებამოსილია მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.

7.4. მიმწოდებელი ვალდებულია:

ა) უზრუნველყოს მაღალი ხარისხის საქონლის მიწოდება.

ბ) საქონლის მიწოდებასთან ერთად მიაწოდოს შემსყიდველს რომელიც საჭიროა მის შესაერთებლად/დასაკავშირებლად და ექსპლუატაციაში შესასვლელად.

გ) დაიცვას წინამდებარე ხელშეკრულების პირობები.

დ) აუნაზღაუროს შემსყიდველს მისი ბრალეულობით გამოწვეული ნებისმიერი სახის მატერიალური და არამატერიალური ზარალი.

8. ხელშეკრულების შესრულების ინსპექტირება

8.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს ინსპექტირება, რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

8.2. ხელშეკრულების 8.1 პუნქტით გათვალისწინებულ ინსპექტირებას შემსყიდველის მხრიდან განახორციელებს „_____“.

8.3 ინსპექტირების ჯგუფის ფუნქციებია:

8.3.1 გაუწიოს ინსპექტირება საქონლის მოწოდების ვადების ხელშეკრულების მოთხოვნებთან შესაბამისობის დადგენას.

8.3.2 დაადგინოს შეესაბამება, თუ არა მიწოდებული საქონელი ხელშეკრულების მოთხოვნებს.

8.4 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

8.5 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების **0,3%-ის** ოდენობით.

9.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 30 (ოცდაათი) პროცენტს, შემსყიდველი უფლებამოსილია გადაგადაცილებული დღეებზე დაკისრებული პირგასამტეხლოსთან ერთად დააკისროს მიმწოდებელს პირგასამტეხლო ხელშეკრულების მთლიანი ღირებულების 10 (ათი) პროცენტის ოდენობით და გაწყვიტოს ხელშეკრულება, უარი თქვას საქონლის მიღებაზე და ანაზღაურებაზე

9.3 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის.

10.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.4 მხარე ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 10.3 პუნქტით გათვალისწინებულ გადაწყვეტილების მიღების განზრახვის შესახებ

10.5. ხელშეკრულება ასევე შეიძლება შეწყდეს შემსყიდველის ინიციატივით.

11. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ფორს-მაჟორი

12.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

13. ხელშეკრულების პირობების და ღირებულების გადასინჯვა

13.1. სახელმწიფო შესყიდვის შესახებ დადებული ხელშეკრულების პირობების შეცვლა არ დაიშვება, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.2. ხელშეკრულების პირობების ნებისმიერი ცვლილება უნდა გაფორმდეს ”შეთანხმების” სახით, რომელიც ჩაითვლება ხელშეკრულების განუყოფელ ნაწილად.

14. ხელშეკრულების ენა

14.1. ხელშეკრულება და მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაიცვლება მხარეთა შორის, ფორმდება ქართულ ენაზე.

15. სხვა პირობები

15.1. ხელშეკრულება შედგენილია 3 ეგზემპლარად და თითოეულ მათგანს თანაბარი იურიდიული ძალა აქვს.

15.2. ხელშეკრულების ერთი ეგზემპლარი ინახება „მიმწოდებელთან”, ორი ეგზემპლარი – „შემსყიდველთან”

16. შესყიდვის ობიექტის სტანდარტები

ხელშეკრულების ფარგლებში მიწოდებული საქონელი უნდა იყოს (საჭიროებიდან გამომდინარე განისაზღვრება აღნიშნული სტანდარტი, სერთიფიკატები და სხვა მსგავსი დოკუმენტაცია).

17. ხელშეკრულების მოქმედების ვადა

17.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2017 წლის „31“ „იანვრამდე“ გარდა ხელშეკრულების მე-6 მუხლის 6.3 პუნქტისა.

17.2 ხელშეკრულების მე-6 მუხლის 6.3 პუნქტი ძალაშია ხელმოწერის დღიდან და მოქმედებს საქონლის მთლიანი საგარანტიო პერიოდის განმავლობაში.

მხარეთა რეკვიზიტები:

”შემსყიდველი”

საქართველოს გარემოსა და ბუნებრივი რესურსების დაცვის სამინისტროს სახელმწიფო საქვეუწყებო დაწესებულება გარემოსდაცვითი ზედამხედველობის დეპარტამენტი
მის: ქ. თბილისი, გ. გულუას ქ. №6
ტელ/ფ: 595000444
ს/კ: 206351758
საბანკო რეკვ: სახელმწიფო ხაზინა,
კოდი: 3802

დეპარტამენტის უფროსი

”მიმწოდებელი”

პრეტენდენტის იურიდიული ან/და ფაქტიური მისამართ:
ტელ:
ს/კ:
საბანკო რეკვიზიტები:
კოდი:
ა/ა

(მიმწოდებლის სრული დასახელება)

(მიმწოდებლის სახელი და გვარი)

4. დამატებითი ინფორმაცია:

4.1 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. მისამართზე: ქ. თბილისი, გ. გულუას ქ. № 6, გარემოსდაცვითი ზედამხედველობის დეპარტამენტის ადმინისტრაციის შესყიდვების განყოფილებაში, მე-6 სართული. ტელეფონი: 272-72-75. 595 000 444; 591 101 191. საკონტაქტო პირი: მიხეილ ბედოიძე, რობერტი აბურჯანიძე.

4.2 „გამარტივებული ელექტრონული ტენდერის და ელექტრონული ტენდერის ჩატარების წესის“ მე-2 მუხლის პირველი პუნქტის „კ“ ქვეპუნქტით გათვალისწინებული „კ“ ქვეპუნქტის მინიჭებიდან ამავე პუნქტის „მ“ ქვეპუნქტის გათვალისწინებული სტატუსის მინიჭებამდე არაუგვიანეს 24 საათისა, ნებისმიერ მიმწოდებელს უფლება აქვს სისტემის მოდულის - „კითხვა/პასუხის მეშვეობით მოითხოვოს სატენდერო განცხადებისა და სატენდერო დოკუმენტაციის დაზუსტება

1. რეკვიზიტები:

პრეტენდენტის იურიდიული ფორმა და დასახელება;

ხელმძღვანელის სახელი და გვარი;

პრეტენდენტის იურიდიული ან/და ფაქტიური მისამართი;

საიდენტიფიკაციო კოდი;

პრეტენდენტის ტელეფონის ნომერი;

ელექტრონული მისამართი;

მომსახურე ბანკის დასახელება და ბანკის კოდი;

ანგარიშსწორების ანგარიში.

პრეტენდენტის დასახელება -----

თანამდებობა, სახელი, გვარი -----

ხელმოწერა და ბეჭედი -----

ტექნიკური დავალება

შესყიდვის ობიექტს წარმოადგენს სხვადასხვა სახის ფიზიკური მახასიათებლების კონტროლის ხელსაწყოები ქვემოთ მოყვანილი ტექნიკური პარამეტრების შესაბამისად (ხმაურის დონის გამზომი ხელსაწყო - 7 ცალი; ელექტრო-მაგნიტური ველის ენერგიის ნაკადის სიმკვრივის გამზომი ხელსაწყო - 8 ცალი)

1. ხმაურის დონის გამზომი ხელსაწყო:

1.1 დისპლეი: ფერადი, რომელზეც შესაძლებელია პიკების, დიაგრამებისა და მონაცემების გამოტანა, გარჩევადობა არანაკლებ 640*480;

ხმაურის დონის განსაზღვრის მინიმალური დიაპაზონი: 16 ჰერციდან - 16 კოლოჰერცამდე;

მიკროფონის ხმაურის დონის განსაზღვრის მინიმალური დიაპაზონი 20 დეციბელიდან - 140 დეციბელამდე

მეხსიერება - არანაკლებ 1 GB SD Card;

ბატარეა - 4,55 v;

ხელსაწყოს კომპლექტაციაში უნდა მოყვებოდეს: ხელსაწყოს დამცავი ქეისი, USB კაბელი, მიკროფონის ქარისაგან დამცავი შალითა;

ეტალონური ხმაურმზომი: აკუსტიკური კალიბრატორი CEL-120/2, კლასი 2; ბგერითი წნევის დონე: 114,0 დბ (A);

მრავალმომხმარებლიანი პროგრამული უზრუნველყოფა:

კალიბრაციის სერტიფიკატი:

გარანტია - მიღება-ჩაბარების აქტის გაფორმების დღიდან უნდა ვრცელდებოდეს გარანტია ქარხნული დეფექტის ან წუნდების გამოვლენის შემთხვევაში არანაკლებ 1 (ერთი) წლის ვადით, აღნიშნული პერიოდის განმავლობაში მიმწოდებელი ვალდებულია საკუთარი ხარჯებით დაზიანების აღმოჩენიდან „10 (ათი)“ სამუშაო დღის ვადაში (განსაკუთრებულ შემთხვევაში გონივრულ ვადაში) უზრუნველყოს დაზიანების აღმოფხვრა ან/და დაზიანებული ტექნიკის ჩანაცვლება ანალოგიური პარამეტრების მქონე ახალი საქონლით;

2. ელექტრო-მაგნიტური ველის ენერგიის ნაკადის სიმკვრივის გამზომი ხელსაწყო:

2.1 გაზომვის მინიმალური დიაპაზონი : 38 mV to 11V/m;

სიხშირის მინიმალური დიაპაზონი: 10MHz ~ 8GHz;

საზომი ერთეული: mV/m , V/m , μ A/m , mA/m , μ W/m² , mW/m² , μ W/cm²;

განგაშის ფუნქცია: რეგულირებადი ბარიერი ON / OFF;

ჩანაწერების მეხსიერება: მაქსიმალური და საშუალო სიდიდეები;

კალიბრაციის ფაქტორი: რეგულირებადი;

გაზომვის დრო: არანაკლებ 1.5 ჯერ წამში.;

სამუშაო ტემპერატურა და ტენიანობა : 0 to 50°C (32°F to 122°F). Max. 80% RH Max. 80% RH;

დენის წყარო: 9V ბატარეა (NEDA 1604 IEC 6F22 JIS 006P) * 1 & DC adapter;

ბატარეის მუშაობის ხანგრძლივობა: არანაკლებ 3 სთ;

აქსესუარები: ხელსაწყოს კომპლექტში უნდა მოყვებოდეს მომხმარებლის ინსტრუქცია (სახელმძღვანელო), შალითა;

გარანტია - მიღება-ჩაბარების აქტის გაფორმების დღიდან უნდა ვრცელდებოდეს გარანტია ქარხნული დეფექტის ან წუნდების გამოვლენის შემთხვევაში არანაკლებ 1 (ერთი) წლის ვადით, აღნიშნული პერიოდის განმავლობაში მიმწოდებელი ვალდებულია საკუთარი ხარჯებით დაზიანების აღმოჩენიდან „10 (ათი)“ სამუშაო დღის ვადაში (განსაკუთრებულ შემთხვევაში გონივრულ ვადაში) უზრუნველყოს დაზიანების აღმოფხვრა ან/და დაზიანებული ტექნიკის ჩანაცვლება ანალოგიური პარამეტრების მქონე ახალი საქონლით;

პრეტენდენტის დასახელება -----

თანამდებობა, სახელი, გვარი -----

ხელმოწერა და ბეჭედი -----

ფასების ცხრილი

N	საქონლის დასახელება	მარკა/მოდელი	მწარმოებელი ქვეყანა	ზ/ე	რ-ბა	ერთეულის ფასი	საერთო ფასი	მიწოდების ვადა და ადგილი
1	ხმაურის დონის გამზომი ხელსაწყო			ცალი	7			
2	ელექტრო-მაგნიტური ველის ენერგიის ნაკადის სიმკვრივის გამზომი ხელსაწყო			ცალი	8			
სულ ჯამი:								

პრეტენდენტის დასახელება -----

თანამდებობა, სახელი, გვარი -----

ხელმოწერა და ბეჭედი -----

შენიშვნა:

1. სატენდერო წინადადებაში საერთო და ერთეული ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან (მათ შორის: ტრანსპორტირებით) დაკავშირებული ყველა გადასახადის გათვალისწინებით.
2. გამარჯვებულმა პრეტენდენტმა ხელშეკრულების გაფორმებამდე უნდა წარმოადგინოს ვაჭრობის შედეგად დაფიქსირებული საბოლოო ფასების ცხრილი. ფასების ცხრილი წარმოადგენს ხელშეკრულების განუყოფელ ნაწილს.
3. პრეტენდენტის მიერ წარმოდგენილი (ერთიან ელექტრონულ სისტემაში ატვირთული) ყველა დოკუმენტი ან/და ინფორმაცია ხელმოწერილი და ბეჭედდასმული უნდა იყოს ხელმძღვანელის ან მის მიერ უფლებამოსილი პირის მიერ.